

KANTON SARAJEVO

SKUPŠTINA KANTONA SARAJEVO

NAROD I PRAVDA

Danijela Kristić, zastupnica

MINISTARSTVO KULTURE I SPORTA KANTONA SARAJEVO

VLADA KANTONA SARAJEVO

PREDMET: Inicijativa

Ovim putem podnosim inicijativu da se Plivački klub SPID proglasi udruženjem od posebnog interesa za Kanton Sarajevo, s obzirom na izuzetnu društvenu vrijednost, humanitarni značaj i doprinos inkluziji djece i mladih s poteškoćama u razvoju.

Obrazloženje:

Plivački klub SPID već godinama djeluje kao pionir u inkluzivnom sportu u Bosni i Hercegovini, s fokusom na rad s djecom s invaliditetom. Kroz profesionalan i predan rad, klub omogućava djeci s različitim vrstama poteškoća da se bave plivanjem, razvijaju svoje fizičke sposobnosti, samopouzdanje i društvene vještine, te da kroz sport budu ravnopravni članovi zajednice.

Među članovima kluba su i istaknuti sportisti poput Ismaila Barlova (Srebrna medalja na Paraolimpijskim igrama u Parizu 2024.godine, Zlatna medalja na Evropskom prvenstvu u Madeiri 2024.godini...) i Ismaila Zulfića (Dvostruko srebro na Svjetskoj seriji u Lignanuu, Srebrna medalja u Barseloni...), čiji su sportski uspjesi i lične priče inspiracija za cijelo društvo. Njihov angažman i postignuća predstavljaju dokaz koliko je važna podrška udruženjima koja se bave inkluzijom kroz sport.

S obzirom na sve navedeno, smatramo da Plivački klub SPID svojim dugogodišnjim radom, rezultatima i društvenim utjecajem zaslužuje status udruženja od posebnog interesa, kako bi se osiguralo stabilnije finansiranje, institucionalna podrška i dugoročna održivost njegovog djelovanja.

Ova inicijativa nije samo čin formalnog priznanja, već i korak ka stvaranju društva jednakih šansi za svu djecu, bez obzira na njihove fizičke ili intelektualne sposobnosti.

Sarajevo 17.04.2025.godine

Zastupnica u Skupštini KS

Danijela Kristić